



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-02-11-19956/21
Sarajevo, 30.04.2021. godine

Na osnovu člana 3. Odluke o odobravanju finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti ("Službene novine Kantona Sarajevo", broj: 17/21), Ministarstvo privrede Kantona Sarajevo raspisuje

JAVNI POZIV

za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine

1. PREDMET POZIVA

Pozivaju se poslovni subjekti (pravna lica i fizička lica koja samostalno obavljaju registrovanu poslovnu djelatnost) kojima je Vlada Kantona Sarajevo zabranila obavljanje djelatnosti u mjesecu martu i/ili aprilu 2021. godine, a koji ispunjavaju uslove propisane Odlukom o odobravanju finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti ("Službene novine Kantona Sarajevo", broj: 17/21) da podnesu prijave za ostvarivanje prava za finansiranje poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti.

2. PRAVO UČEŠĆA I USLOVI

2.1. Pravo na uplatu pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine po ovom Javnom pozivu mogu ostvariti poslovni subjekti za djelatnosti koje obavljaju i za koje su registrovani u skladu sa KD BiH 2010, a čije obavljanje je zabranjeno u sljedećim periodima zabrane rada:

- a) Period zabrane rada od 20.03.2021. godine do 22.04.2021. godine, za djelatnosti:
 - 1) 56.10 Djelatnosti restorana i ostalih objekata za pripremu i usluživanje hrane,
 - 2) 56.30 Djelatnosti pripreme i usluživanja pića.
- b) Period zabrane rada od 24.03.2021. godine do 22.04.2021. godine, za djelatnosti:
 - 1) 93.11 Rad sportskih objekata - plivački bazeni (javni),
 - 2) 96.04 Djelatnosti za njegu i održavanje tijela - spa centri,
 - 3) 93.13 Fitnes centri - fitnes klubovi i body-building klubovi,
 - 4) 92.00 Djelatnosti kockanja i klađenja, izuzev rada virtualnih internetskih stranica za igre na sreću.

2.2. Poslovni subjekti iz tačke 2.1. trebaju ispunjavati slijedeće uslove:

- a) da poslovni subjekt ima sjedište u Kantonu Sarajevo i da obavlja djelatnost registrovanu u skladu sa KD BiH 2010, čije obavljanje je zabranjeno u periodu zabrane rada, s tim da ovo



pravo ne može ostvariti za poslovne jedinice u svom sastavu koje se nalaze izvan područja Kantona Sarajevo;

- b) da poslovni subjekt sa sjedištem izvan Kantona Sarajevo na području Federacije BiH u svom sastavu ima poslovne jedinice koje se nalaze na području Kantona Sarajevo i da obavlja djelatnost registrovanu u skladu sa KD BiH 2010, čije obavljanje je zabranjeno u periodu zabrane rada, s tim da ovo pravo može ostvariti samo za ove poslovne jedinice;
- c) da poslovni subjekt do dana objave javnog poziva za ostvarivanje ovog prava ima izvršene obaveze po osnovu javnih prihoda sa danom 30.09.2020. godine, koji se vode kod Porezne uprave Federacije BiH.

2.3. Za obračun ukupnog iznosa za uplatu poreza i doprinosa za period zabrane rada u poslovnom subjektu je ukupni broj uposlenika na dan 28.02.2021. godine, a koji vrše poslove i radne zadatke u obavljanju djelatnosti koja je zabranjena.

2.4. Poslovnom subjektu koji ispunjava sve potrebne uslove za ostvarivanje ovog prava za period zabrane rada, može se uplatiti ukupni iznos na ime poreza i doprinosa obračunat u skladu sa članom 6. stav (5) Odluke o odobravanju finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti ("Službene novine Kantona Sarajevo", broj: 17/21).

Napomena: Poslovni subjekti koji su ispunili uslove iz ovog Javnog poziva za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine, ne mogu ostvariti pravo po ovom Javnom pozivu za broj uposlenika za koje su dobili finansijska sredstva za subvenciju pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti za mjesece mart i/ili april 2021. godine od JU Službe za zapošljavanje Kantona Sarajevo i/ili Fonda za profesionalnu rehabilitaciju i zapošljavanje osoba sa invaliditetom FBiH ili bilo koje druge institucije/ustanove. Podaci o navedenom pribavit će se po službenoj dužnosti.

3. PODNOŠENJE PRIJAVE

Prijavu podnose poslovni subjekti (pravna lica i fizička lica koja samostalno obavljaju registrovanu poslovnu djelatnost).

Poslovna jedinica/podružnica pravnog lica ne može samostalno podnijeti prijavu po ovom Javnom pozivu, jer prijavu podnosi pravno lice u čijem je sastavu poslovna jedinica.

Prijava se podnosi dostavljanjem Obrasca A (za pravna lica i fizička lica – samostalne poduzetnike), a obrazac se može preuzeti na web stranici Ministarstva privrede Kantona Sarajevo: <http://mp.ks.gov.ba>.

Podnosilac prijave obavezno popunjava sve rubrike u Obrascu A i ovjerava potpisom ovlaštenog lica i pečatom poslovnog subjekta.

4. IZBOR KORISNIKA I PRAVNA ZAŠTITA

Kriteriji za izbor korisnika sredstava utvrđeni su Odlukom iz tačke 1. ovog Javnog poziva. Pregled prijava i dokumentacije, obradu i kontrolu podataka, te ocjenu o ispunjavanju uslova vršit će stručna lica imenovana rješenjem Ministarstva privrede Kantona Sarajevo. U slučaju potrebe stručna lica mogu zatražiti od podnosioca prijave dodatno pojašnjenje vezano za obavljanje zabranjene djelatnosti. Ministarstvo privrede Kantona Sarajevo objavljuje Odluku Vlade Kantona Sarajevo te Listu poslovnih subjekata koji ispunjavaju uslove, kao i Listu poslovnih subjekata koji ne ispunjavaju uslove, a iste objavljuje na web stranici Ministarstva privrede Kantona Sarajevo: <http://mp.ks.gov.ba>. Poslovni subjekt koji smatra da je njegovo pravo povrijeđeno u postupku izbora



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



korisnika sredstava može uložiti prigovor Komisiji putem Ministarstva privrede Kantona Sarajevo, u roku od 7 (sedam) dana od dana objave listi. Komisija rješava po prigovoru najkasnije u roku od 60 (šezdeset) dana od dana podnošenja prigovora poslovnog subjekta.

5. ROK ZA DOSTAVLJANJE PRIJAVA

Rok za dostavljanje prijava je **15 (petnaest) dana** od dana objave ovog Javnog poziva. Zadnji dan za prijavu na ovaj Javni poziv je 15.05.2021. godine. Javni poziv će biti objavljen na web stranici Ministarstva privrede Kantona Sarajevo: <http://mp.ks.gov.ba>.

Nepotpune, neuredne i neblagovremene prijave na ovaj Javni poziv neće se uzeti u razmatranje.

6. MJESTO I NAČIN PODNOŠENJA PRIJAVA

Prijave se podnose Ministarstvu privrede Kantona Sarajevo u zatvorenoj koverti, **ISKLUČIVO** preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, 71000 Sarajevo. U jednoj koverti može se dostaviti samo jedna prijava na ovaj Javni poziv.

Na zatvorenoj koverti obavezno je navesti: „**Prijava na Javni poziv za dodjelu sredstava za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine - Ne otvaraj.**“

Na poleđini zatvorene koverta obavezno je navesti: naziv podnosioca prijave, adresu i kontakt telefon podnosioca prijave.

7. OSTALE ODREDBE

Ministarstvo privrede Kantona Sarajevo ne snosi nikakve troškove podnosiocu prijave u pripremi i dostavljanju prijave i dokumentacije po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.

Za sve informacije vezane za ovaj Javni poziv kontakt telefon je 033/562-117.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

